



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-024-4/21**

Datum: **02.04.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica «MANICO I» d.o.o. Doboj Istok za donošenje rješenja o vodnoj dozvoli za ispuštanje tehnoloških otpadnih voda sa lokaliteta poslovnog kompleksa za primarnu preradu drveta izgrađenog u naselju Brijesnica Mala, općina Doboj Istok, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica «MANICO I» d.o.o. Doboj Istok, za donošenje rješenja o vodnoj dozvoli za ispuštanje tehnoloških otpadnih voda sa lokaliteta poslovnog kompleksa za primarnu preradu drveta izgrađenog na zemljištu označenom kao k.č. broj: 1820/4 K.O. Brijesnica Mala, općina Doboj Istok, s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije proizvodnje pri čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Pravno lice «MANICO I» d.o.o. Doboj Istok, svojim zahtjevom zaprimljenim 26.01.2021. godine, zatražilo je od ove Agencije izdavanje vodne dozvole za ispuštanje tehnoloških otpadnih voda sa lokaliteta poslovnog kompleksa za primarnu preradu drveta izgrađenog u naselju Brijesnica Mala, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 032-0-Reg-20-001200 izdatog dana 07.09.2020. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 23.02.2012. godine od strane Porezne uprave-Kantonalni porezni ured Tuzla,
- Kopija Rješenja o odobrenja za upotrebu objekta za sekundarnu obradu drveta, broj: 05-23-3-585/11, izdatog dana 04.10.2011. godine od strane Službe za prostorno uređenje Općine Doboj Istok,
- Kopija Rješenja o odobrenju za upotrebu objekta brente, broj: 12-04/5-23-2545/05, izdatog dana 08.04.2005. godine od strane Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli, broj: 04/1-13-25-33384/17, izdatog dana 09.11.2017. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o okolinskoj dozvoli, broj: 12/01-1-23-1715/12, izdatog dana 25.02.2013. godine od strane Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: UP-I/25-3-40-036-4/13 izdatog dana 15.04.2013. godine od strane «Agencije za vodno područje rijeke Save» Sarajevo,
- Glavni projekat – hidroinstalacije, urađen 05.12.2001. godine od strane «ARHITEKT» d.o.o. Gračanica - na uvid,
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog poslovnog kompleksa u naselju Brijesnica Mala i tom prilikom je sačinjen Zapisnik o uviđaju broj: UP-I/25-3-40-024-3/21 od 25.03.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Proizvodno poslovni kompleks «MANICO I» d.o.o. Doboj Istok je lociran u naselju Brijesnica Mala. Kompleks čine nadstrešnica sa brentom, pogon za preradu drveta, prostor za lagerovanje oblovine, silos za piljevinu, sušara sa kotlovnicom, skladište gotovih proizvoda, poljoprivredna apoteka. Prosječni kapacitet proizvodnje na godišnjem nivou iznosi oko 4.000m³ oblovine.

Kompletan plato i manipulativni prostor je uredno betoniran i nivelisan sa padovima prema slivnicima. Sve oborinske voda sa platoa kompleksa se prikupljaju zasebnim kanalizacionim sistemom sa ispustom u postojeći zatvoreni kanal za odvodnju oborinskih voda naselja Brijesnica Mala u rijeku Spreču.

Za prikupljanje piljevine izveden je zatvoreni sistem ventilacije - otsisa sa silosom, tako da nema rasipanja piljevine po okolnom platou. Piljevina se koristi za tehnološke potrebe (sušare i zagrijavanje objekata).

Snabdijevanje vodom obezbijedeno priključkom na mjesni vodovodni sistem.

Sanitarно-fekalne otpadne vode se prikupljaju zasebnim kanalizacionim sistemom i odvođe u septičku jamu za što je od strane nadležnog Ministarstva poljoprivrede, šumarstva i vodoprivrede Tuzlanskog kantona izdat vodni akt.

Proizvodni proces prerade drveta vrši se bez upotrebe nafte i naftnih derivata, a u samom proizvodnom procesu se ne upotrebljava voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga Zaključka.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-024-2/21 od 10.02.2021. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.



Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- «MANICO I» d.o.o. Doboj Istok
Brijesnica Mala bb, 74260 Doboj Istok
- ⊖ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava